

LA NOBLESSE FRAN-
çoise, au Chancelier.

3502

LEs Deputez de la Noblesse accompagnés de deux Cents Gentilshommes sont venus trouver Monsieur le Chancelier, & luy ont dict par la bouche d'un d'entre-eux.

Qu'estans contraincts en fin pour des-abuser les peuples, de retourner vers ceux qui les ont deputez, ils auoient aduise de remonstrer au Roy & à la Royne, les causes de la ruine imminente qui menace l'Estat, & les supplier de bien tost y pouruoir.

Mais qu'en ayant esté exclus par luy, & les autres qui occupent leurs Maiestez ils sont venus luy declarer, que le pernicious gouuernement du Royaume depuis la mort du feu Roy, & sur tout les brigues, les ordures, & la tyrannie usurpee en l'assemblée & tenuë des Estats, les pouuoit suffisamment excuser de plus attendre du Conseil, aucun remede aux desordres qui vont dissipât ceste Couronne, toutesfois preuo-

A

783
m

2
yants que leur retour sans autre fruit
de leur deputation precipiteroit nos
malheurs: incitez de l'affection qu'ils
portent à leur patrie, sur ce que luy mes-
me leur auoit prié de la part de la Roy-
ne, ils n'auoient peu refuser de sejour-
ner iusques icy & de bien esperer de ses
promesses & de s'en deuoir. Que mainte-
nant qu'ils recognoissent les actions
eslongnees de l'honneur de Dieu & de
l'vtilité publique, & que par leur pre-
sence l'on veut insensiblement acquerir
leur autorité & consentement au
changement & subuersion que l'on
medite de l'Estat, ils veulent luy faire
congnoistre, & a tout le monde par ce
discours qu'ils luy mettent en main &
publierōt par tout: Que pour le bien de
la paix, lors du cruel & inopiné acci-
dent surueni en la personne du feu
Roy, la Noblesse auoit dissimulé l'esta-
blissement de la Regence contre les
loix fondamentales du Royaume, que
pour le mesme respect avec grande an-
goisse elle en auoit supporté les desor-
dres iusques à l'acte de maiorité du
Roy, en esperance qu'une seure & libre
assemblee des Estats, selon nos mœurs

de tout temps obseruees , restablirait le gouuernement, qu'au contraire l'on auoit corrompu les vns , intimidé les autres, & même enuoyé des Archers aux portes de l'assemblée , pour empêcher que le premier Prince du Sang à la poursuite duquel elle auoit esté conuoquée n'y fust receu à faire ses plainctes, & donner ses aduis comme il est permis au moindre du peuple , que l'on auoit faict promettre par le Roy à tous les Deputez des trois ordres appelez deuant luy à cest effect , qu'il aboliroit le droit annuel, soulageroit le peuple, puniroit les abus & larcins commis aux finances rendroit à la Noblesse les charges deuës à elle seule , diminueroit les pensions, & remediroit au reste, dont les lettres feurent enuoyees & publiees par les Prouinces. Neantmoins contre la parole du Roy donnée si solemnellement à son peuple, vous restablissez le droit annuel auant le mois expiré , les pensions sont continuees, toutes impietez & desbordements exercez impunement, & les charges de la Court vendues à l'encan & distribuées à la volonté d'un Estranger, bref

vous nous traitez plus barbarement qu'à la Turquie, sans distinction d'ordres, d'extraction ny de merite. Ce Royaume le tribunal de la Iustice du monde, & le refuge des affligez, ores la retraicte & le port des tyrans, l'escueil des miserables, sert de planche aux entreprises que fait l'Espagnol sur nos amys & ouuertement contre la succession de Cleues & de Piedmont, affin de faire barriere de ce costé-là, entre nous les Allemands & Hollandois, & par cestui-cy se faisant Roy d'Italie, suyuant leurs anciens desseins & instructions attenter la Monarchie du monde, que Henry le Grand pour couper chemin à ceste ambition effreneë, & s'obliger le Duc de Sauoye à ceste intentiõ, auoit promis Madame au Prince son fils, avec l'assistance de toutes ses forces : Mais au lieu d'executer les resolutions si necessaires & biẽ preueuës d'un Roy, Pere & Seigneur de son fils, à peine nostre mal'heur l'a mis dans le tombeau, que la Royne suiectë de ceste Couronne, & du Roy son fils, l'oblige neãtmoins par vostre Conseil, contre tout droit, diuin & humain, a prendre pour

luy & Madame sa sœur condition en
 Espagne. Et pour dot de tels mariages
 vous stipulez à ces musalarbes tout ce
 que nous possedons, nostre sang, nos
 vies, & de nos amys, n'auez-vous pas
 refusé le Sequestre que le Duc de Sauoye
 offroit entre les mains du Roy, des
 places qu'il auoit prises au Monfer-
 rat, vous le renuoyastes à nostre grand'
 honte & dommage à ce qu'il plairoit à
 l'Espagnol d'en ordonner, qui de
 nouueau osant se preualoir de ceste oc-
 casion & par tous efforts essayant de le
 despoüiller, vous pour ne demeurer in-
 nutil à ce dessein, sous pretexte du
 mariage obliquement luy ioignez nos
 armes, & amusant le Duc luy voulez
 faire croire par le sieur de Rembouillet
 que la Roynne le protegera si l'Espagnol
 ne tient sa parole, tandis que son armee
 le poursuit & opprime, & que ses gents
 confessent qu'ils n'ont aucun ordre de
 paix. Mais pour le desesperer de nostre
 secours & de nostre courage, par Edits
 contraires au droit des gens, & à la li-
 berté de la noblesse & milice François-
 se, verifiez à la desrobée par quatre ou
 cinq de vos factieux, vous creez de

nouueaux cas preuostaux & crimes de
 leze Majesté, contre ceux de nous qui
 touchez de l'oppression de ce Prince,
 & du mal ineuitable qui en retombe
 sur nos chefs courent à la deffence, par
 ou il se manifeste avec combien de tra-
 hisons le feu Roy estoit seruy & hay de
 qui il se confioit le plus, puis que son
 sang fumât encore à l'heure mesme de
 son coup, vous rescindez ses actes &
 soumettez ses enfants, son peuple & ses
 amys au ioug de ceux qui en sont soup-
 connez, or nous esmeuz de si iuste dou-
 leur, pour n'estre reputez indignes du
 nom de nos peres qui ont asseuré la re-
 ligion & les puissances de la Chrestien-
 té, ingrates à la memoire de ce grand
 Roy, affin de rendre à l'innocence de
 son fils la fidelité dont les nations de la
 terre ont tousiours estimé les François,
 nous protestons de nullité & tyrannie,
 contre tout ce qui s'est faict & fera de-
 formais en l'administratiō du gouuer-
 nement, aux mespris des loix fondamē-
 tales de l'Estat, & coustumes obseruees
 pendant le bas aage de nos Roys, con-
 iurons les Princes, Ducs, Pairs, & Offi-
 ciers de la Couronne, Cours, Souue-

raines, magistrats, & tous ceux qui veulent le bien public, de s'vnir avec nous à la protection & conseruation de l'autorité de nostre patrie, d'establiſſir & obseruer l'ordre accoustumé au maniement des affaires, iusques a ce qu'il ayt acquis l'âge de les traiter porté par nos loix. En en outre considéré que parmy les dangers des al'iez de la France assaillis par nos ennemis il s'agist de nostre salut, de prendre les armes pour secourir nos amys, sans auoir esgard aux Edicts, declarations & autres quelconques inuentions de la faction d'Espagne, de lesquelles & de ce qui s'en ensuiura nous appellons au Roy mieux conseillé, lors que luy-mesme gouvernera, & cependant protestons de releuer nostre appel à la poincte de nos espees & courir sans exception à qui voudra s'y opposer.

